



## Dubbii fi Hojii limaana Diigan-Seensa-1

### Description

Kabajamtoota dubbistoota sammubani.com Assalamu aleykum wa rahmatullahi wa barakaatuh (nageenyi, rahmanni fi barakaan Rabbii isin irra haa jiraatu) Gara waggoota lamaaf waaâ€™ee iimaana, Islaamaa fi tawhiida osoo ilaallu kuno as geenye. Alhamdulillah Rabbiil aalamiin. Sababa barreefama kanaatin iimaana keenya ijaarrachuu fi bareechisu akka jalqabne abdi qaba. Biqiltuu iimaanaa keenya kana guyaa guyyaan beekumsaa fi hojiin kunuunsaa akka jirru abdi qaba. Akkuma wanta biqiltuu teenya tana jabeessuu fi guddisu beekuu fi hojii irra oolchuuf carraaqnu, wanta biqiltu tana balleessu beekuu fi irraa fageessuuf carraaqun nurraa eeggamaa miti ree? Hanga ammaatti wanta biqiltu iimaana dagaagsu fi jabeessu ilaalaat ureerra. Amma immoo wanta biqiltu iimaanaa balleessu ilaalla. Isin qophiidhaa?

Akkuma wanti iimaana jabeessu fi dagaagsu wagga tokko fi jiâ€™a 11 nurraa fudhate, wanti iimaana diigu kana qorachunis yeroo dheeraa nurraa fudhachuu akka dandaâ€™u hin dagatinaa. Ammaf kitaaba, â€œNawaqaqidul Iimaanil qawliyat wa amaliyyatâ€¢ jedhuu irraa jalqabna.

﴿بِسْمِ اللَّهِ الرَّحْمَنِ الرَّحِيمِ﴾

### Seensa

Dhugumatti, faarun hundi kan Rabbiiti. Isa faarsina, gargaarsaa fi araarama Isa kadhanna. Sharriwwan nafsee teenyaati fi badii hojiawan keenyaa irraa Rabbiin tiikfamna. Nama Rabbiin qajeelche, kan isa jallis u hin jiru. nama Inni jallise kan isa qajeelchu hin jiru. Rabbii tokkicha shariika hin qabne malee haqaan gabbaramaan akka hin jirre ragaa nan baha. Ammas, Muhammad gabrichaa fi ergamaa Isaa taâ€™uu ragaa nan baha.

يَأَيُّهَا الَّذِينَ ءَامَنُوا أَتَقْوَى اللَّهَ حَقَّ تَعَانِيهِ، وَلَا تَمُونُنَ إِلَّا وَأَنْتُمْ

۱۰۲ مُسْلِمُونَ

â€œYaa warra amantan! Sodaan dhugaa Rabbiin sodaadhaa. Muslimoota taatanii malee hin duâ€TMinaaâ€ Suuratu Ali-Imraan 3:102

﴿يَأَيُّهَا النَّاسُ أَتَقْوَى رَبَّكُمُ الَّذِي خَلَقَكُم مِّنْ نَفْسٍ وَاحِدَةٍ  
وَخَلَقَ مِنْهَا زَوْجَهَا وَبَثَّ مِنْهُمَا رِجَالًا كَثِيرًا وَنِسَاءً وَأَتَقْوَى اللَّهُ  
الَّذِي تَسَاءَلُونَ بِهِ وَالْأَرْحَامُ إِنَّ اللَّهَ كَانَ عَلَيْكُمْ رَقِيبًا﴾

â€œYaa namoota! Gooftaa keessan Kan lubbuu takka irraa isin uume, ishii (lubbuu takkatti san) irraa cimdii ishee uumee fi isaan lamaan irraas dhiirotaa fi dubartoota baayâ€TMee facaase sodaadhaa. Rabbii ittiin wal kadhattanii fi firummaas [muruu] sodaadhaa. Dhugumatti, Rabbiin isin tooâ€TMataadha.â€ Suuratu An-Nisaa 4:1

﴿يَأَيُّهَا الَّذِينَ ءَامَنُوا أَتَقْوَى اللَّهُ وَقُولُوا قُولًا سَدِيدًا ﴿٧٦﴾ يُصْلِحُ لَكُمْ أَعْمَالَكُمْ  
يَغْفِرُ لَكُمْ ذُنُوبَكُمْ وَمَنْ يُطِيعُ اللَّهَ وَرَسُولَهُ فَقَدْ فَازَ فَوزًا عَظِيمًا ﴿٧٧﴾﴾

â€œYaa warra amantan! Rabbiin sodaadhaa; jecha sirrii dubbadhaa. Inni (Rabbitiin) dalagaalee keessan isiniif tolcha, badiiwan keessaniis isiniif araarama. Namni Rabbii fi Ergamaa Isaatiif ajajame, dhugumatti milkii guddaa milkaaâ€TMe jira.â€ Suuratu Al-Ahzaab 33:70-71

Itti fufuunâ€!

Seensi kuni wanta armaan gadi of keessatti qabate:

**Barbaachisummaa mata duree kanaati fi sababoota filannoo isaa**

Barbaachisummaan mata-duree: â€œDubbii fi hojii iimaanaa diiganâ€ jedhu karaa adda addaatin ifa baha. Isaan keessaa:

1-Wanti iimaanaa diigu badii hundarra guddaa taâ€TMeedha. Namni wantoota iimaanaa diigan keessaa tokko hojjate, amanti keessaa bahee jira. Wantoota iimaanaa diigan kanniin keessaa tokko jiraachu waliin iimaanni hin taâ€TMu. (Iimaanaa fi wanti iimaanaa diigu bakka tokkotti waliin taâ€TMuu hin dandaâ€TMan.)

Hojii gaarii hunda balleessa. Kanarratti dabalatee, Rabbiin nama wanta iimaana diigu irratti duâ€™e hin araaramuuf. Kana irra, namni kuni ibidda Jahannam keessa zalaalamiif jiraata. Akkuma kitaaba Rabbii oltaâ€™aa keessatti dhufe:

الَّذِينَ كَفَرُوا وَمَا تُؤْمِنُو وَهُمْ كُفَّارٌ فَلَن يُقْبَلَ مِنْ أَحَدٍ هُمْ مِلْءُ الْأَرْضِ  
وَلَوْ أُفْتَدَى بِهِ أُولَئِكَ لَهُمْ عَذَابٌ أَلِيمٌ وَمَا لَهُمْ مِنْ نَصِيرٍ ﴿٦﴾

â€œDhugumatti, warroonni kafaranii fi kaafiroota taâ€™anii duâ€™an, isaan keessaa namni tokko warqii dachii guutuun osoo ittiin of bituu [fedheyuu] irraa hin fuudhamu. Isaan sun adabbii laallessaatu isaaniif jira. Isaaniif tumsitoonni hin jiran.â€ Suuratu Aali-Imraan 3:91

Kana jechuun, namoonni Nabiyyummaa Muhammad (SAW) mormanii fi Rabbii fi Ergamaa Isaatti kafaranii osoo jiranuu duâ€™an, Guyyaa Qiyaamaa isaan keessaa namni tokko warqii dachii guutuu adabbii Rabbii jalaa nagaha of baasuuf osoo kennu dandaâ€™e, gonkumaa isarraa hin fuudhamu. Isaan suni, adabbii garmalee nama dhukkubsutu isaaniif jira. Adabbii Rabbii jalaa kan isaan baasu hin jiru.[\[1\]](#)

﴿وَمَنْ يَكُفِرْ بِالْإِيمَانِ فَقَدْ حَبَطَ عَمَلُهُ وَهُوَ فِي الْآخِرَةِ مِنَ الْخَسِيرِينَ﴾

â€œNamni iimaanatti kafare, hojiin isaa jalaa badee jira. Inni Aakhiraatti warroota hoongaâ€™an (kasaaran) irraa taâ€™aâ€ Suuratu al-Maaâ€™ida 5:5

﴿وَالَّذِينَ كَفَرُوا لَهُمْ نَارٌ جَهَنَّمَ لَا يُقْضَى عَلَيْهِمْ فَيَمُوتُونَ وَلَا  
يُخَفَّ عَنْهُمْ مِنْ عَذَابِهَا كَذَلِكَ نَجِزِي كُلَّ كُفُورٍ ﴿٣٦﴾﴾

â€œWarroonni kafaran ibidda Jahannamtu isaaniif jira. Akka duâ€™aniif [duuti] isaan irratti hin murteefamu. Adabbii ishii irraas homtu isaan irraa hin salphifamu. Akka kanatti akkaan kafaraa hunda jazaa kafallaaf.â€ Suuratu Faaxir 35:36

﴿إِنَّ الَّذِينَ كَفَرُوا وَصَدُّواْ عَنْ سَبِيلِ اللَّهِ ثُمَّ مَاتُواْ وَهُمْ كُفَّارٌ  
فَلَن يَغْفِرَ اللَّهُ لَهُمْ ﴿٣٧﴾﴾

**Dhugumatti, warroonni kafaranii fi karaa Rabbii irraa [namoota] dhoowwan, ergasii kaafiroota taâ€™anii duâ€™an, Rabbiin gonkumaa isaaniif hin araaramu.**â€ Suuratu Muhammad 47:34

Ibn Taymiyaan (rahimahullahu) dhimma kafarsiisuu fi buâ€™aalee achirraa dhalatuu yommuu dubbatu, wanta jedhe keessaa:

â€œBeeki, dhimmoonni kafarsiisuu fi fassaqsiisuu dhimmoota maqaalee fi murtiwwan keessaa kan waadaa fi sodaachisni ganda Aakhirah keessatti isaan wal qabatuudha. Akkasumas, ganda addunyaa keessatti jaalalummaa fi diinummaan, ajjeessu fi eegunii, fi kanneen biroo wal qabataniidha. Dhugumatti, Rabbiin subhaanahu Jannata muâ€™mintootaaf dirqama godhe, kaafiroota irratti immoo Jannata ni dhoowwe. Kuni yeroo fi bakka kamittuu murtiwwan wali galaa irraayyi.â€ [2] (Kafarsiisu jechuun inni kaafira jechuun irratti murteessudha. Fassaqsiisu jechuun inni faasiqa jechuun dubbachuu ykn irratti murteessudha.)

2-Balaa wantoota iimaana diigan kanniinii ilaallaan, isaan beeku fi gosoota isaanii baruun nurratti dirqama taâ€™a. Itti kufuu irraa of eeggachuuf karaan kaafirootaa ifatti mulâ€™achuu qaba. Rabbiin azza wa jalla ni jedha:

﴿وَكَذَلِكَ نُفَصِّلُ الْآيَتِ وَلِتَسْتَبِينَ سَبِيلَ الْمُجْرِمِينَ﴾

â€œ[Haqni akka mirkanaâ€™u] fi karaan yakkamtoota ifa taâ€™uuf akka kanatti keeyattoota addeessina (ibsina).â€ Suuratu Al-Anâ€™aam 6:55

Bakka kanatti imaamu ibn Al-Qayyim ni jedha: â€œRabbiin oltaâ€™aan kitaaba Isaa keessatti karaa muâ€™mintootaa balâ€™innaan, karaa yakkamtootaa (kaafirootaa fi namoota badii hojjatan) balâ€™innaan, dhuma muâ€™mintootaa balâ€™innaan, dhuma yakkamtoota balâ€™innaan ibsee jira. Warroonni Rabbiin, kitaaba Isaatii fi amantii Isaa beekan, karaa muâ€™mintoota balâ€™innaan beekanii jiru, karaa yakkamtootas balâ€™innaan beekanii jiru. Kanaafu, akkuma nama imala deemuuf karaan gahuumsa yaadetti isa geessu fi karaan wanta isa balleessutti isa geessu ifa taâ€™eeef, karaaleen lamaan kunniin isaaniif ifa taâ€™anii jiru. Namoonni kunniin uumamtoota hunda caalaa beektota kan taâ€™aniidha, namootaaf faayda kan buusanii fi dhugaa taâ€™aniidha. Sababa kanaafi, hanga Guyyaa Qiyaamaa sahabonni namoota isaan booda dhufan hunda caalan. Dhugumatti, isaan karaa jallinnaa, kufrii fi shirkii keessatti guddatan. Balâ€™innaan karaa kana ni beekan. Ergasii, Ergamaan Rabbii (Sallallahu aleih wassallam) dhufuun dukkana cimaa keessaa gara ifa guututti isaan baase. Shirkii keessaa gara tawhiidaatti [isaan baase]. Kanaafu, hamma isa (tawhiida) argatanii fi hamma wanta keessa turanii ni beekan. Dhugumatti, wantoonni faallaadhaan ifa taâ€™u.

Dhamaâ€™iinsi kan uumamuu yommuu beekumsi karaalee lamaanii ykn isaan keessaa tokko dadhabaa taâ€™uudha. Akkuma Umar (radiyallahu anhu) jedhe: qabannoona Islaamaa tokkoon tokkoon kan diiggamu yommuu namni wallaalummaa (jaahiliyyah) hin beekne Islaama keessatti guddateedha.â€ Kuni beekumsa guutuu Umar (radiyallahu anhu) irraayyi. Namni karaa yakkamtoota hin beekne fi isaaf ifa hin taane, karaa isaanii garii karaa muâ€™mintoota akka taâ€™etti yaadun isaa hin oolu. Dhimmoota baayâ€™ee ilaachise akkuma ummata kana keessatti uumameâ€™â€ gabaabbinnaan, Fawaaâ€™id fuula 101, 102, ilaali Al-Fataawaa 10/301, Ibn Taymiyah)

Barbaachisummaa mata duree kanaa sheykh Abdullah bin sheykh Muhammad bin Abdulwahhaab akkana jechuun ifa godha:

Osoo hin beekin akka itti hin kufneef dhimmoonni kunniin wantoota barbaachisoo muâ€™minni xiyyefannoo itti kennu qabuudha. . Akkasumas, Islaamaa fi kufriin isaaf ifa akka taâ€™u, hanga dongongorri sirrii irraa isaaf adda bahuutti, kanaafu, diini Rabbii keessatti beekumsa ifaa irratti taâ€™utti [wantoota iimaana diigan xiyyefannoo itti kennuu qaba.] Warra wallaalaa fi shakkaniin gowwoomu hin qabu. [Wallaaltonni fi shakkitoonni] osoo lakkoofsan baayaâ€™ee taâ€™aniyyuu, Rabbiin biratti, Ergamaa Isaatii fi muâ€™mintoota biratti gatiin isaanii xiqqaadha.â€•(Ad-Duraru As-Sinniyatu fii ajuubati najdiyyati-8/118)

### Guduunfaa

Wantoonni gurguddoon iimaana diiganii fi Islaama keessaa nama baasan **kufrii fi shirkiidha**. Kufrii fi shirkiin gosootaa fi dameewwan baayâ€™ee qaba.

Namni tokko iimaanni isaa yoo jalaa diigamee fi Islaama keessaa bahe, duâ€™aan dura yoo hin tawbatin, adabbii Jahannam keessa zalaalamiif jiraata. Kanaafu, wantoota iimaana diigan beekun garmalee garmalee barbaachisaadha.

---

Kitaabban wabii:

[1] Tafsiiru Muyassar-61

[2] Majmuuâ€™ al fataawaa-12/468

â€œNawaqidul Iimaani qawliyat wal amalyatâ€• fuula 3-6, Abdulaziz bin Muhammad

### Date Created

March 17, 2020

### Author

admin